

Fangzcwngzgangj Si Yinzda Gyagiengz Bauj Cang Gamduk Couqmaenh Gij Eiqsik Caezcaemh Cunghvaz Minzcuz

防城港市人大强化铸牢中华民族共同体意识监督保障

Mboengqneix, Fangzcwngzgangj Si Gaiq Daihcaet Yinzminz Daihyauj Daihhoih Cangzvu Veijyenzvei Baez Hoih Cibcaet saemjlnh doengvq 《Aen Gveihcwz Yaeng Saeh Fangzcwngzgangj Si Yinzminz Daihyauj Daihhoih Cangzvu Veijyenzvei》 ngamq coidingh haenx. Cingqsik gya le couqmaenh gij eiqsik caezcaemh

Cunghvaz Minzcuz haeuj aen gveihcwz yaeng saeh Fangzcwngzgangj Si Yinzda bae.

Neix gvancez guhsaed le aen swhsiengj youqgaenj gvendaengz gyagiengz caeuq gaijndei hong minzcuz Siz Ginbingz cungjsuhgi, hawj Fangzcwngzgangj Si Yinzda caeuq aen Cangzveijvei de engq ndei eifap guh gamduk,

coicaenh “it fuj it vej song yen” guh ndaej engq lai hong, aeu gamduk mizrengz doidoengh gij lijn cwngecwz minzcuz、fapld fapgi Aendangj youq baihnanz guekgya majhung mwncup、haiva dawzaen.

(Vangz Yenzvuj/黄元武)



Denzyangz Gih Guh Gouj Nyied Gouj Gingq Bouxlaux Yawj Bingh Mbouj Aeu Ngaenz

田阳区举行重阳敬老义诊活动

10 nyied 20 hauh, Bwzswz Si Denzyangz Gih ciu canghyw husw guh aen hozdung “eiq bouxlaux gingq bouxlaux、gingqgyaez youq gouj nyied gouj” yawj bingh mbouj aeu ngaenz. Gyoengq canghyw nyinhcaen caeuq vunzlai yawj bingh, camcaz ndangdae lawzyiengh, caemhcai gejangj

veiswng baujgen、gwn doxgaiq aeu haeujsim daengj. Hozdung lij fat bauhom、gingqda lauxva、fan denz daengj doxgaiq. Neix hawj bouxlaux ndaej camcaz ndangdae、yawjyawj bingh, cietsaed vih vunzlai guh saedsaeh.

(Vangz Gozsun/黄国顺)

◀Canghyw caeuq vunzlaux yawj da.

Yungzsuij Doxyungz Cauhmoq Sonlien Dinfwngz Minzcuz Coengh Couhnieb

融水民族手工业融合创新培训助就业

Mboengqneix, Liujcouh Si Yungzsuij Myauzcuz Minzcunghgiz guh aen ban sonlien dinfwngz siuqva Myauzcuz. 30 lai boux yahsiuqva laeng ranz duetgungz caeuq ranz senjdieg hag ndaej baenz dauq dinfwngz siuqva cienzdoengj Myauzcuz. Gyawj geij bi neix, aen

yienh neix laebdaeb doxyungz cauhoq hwngfat sonlien siuqva、aeu lab dajnyumx Myauzcuz daengj, doidoengh soujgunghyez minzcuz caeuq vwnzva、lijyouz yungzhab hwngfat, coicaenh mehmbwk gak minzcuz couhnieb demsou.

(Lungz Dauh/龙涛)



▲Boux lauxsae son yozyenz siuqva.



▲Seizcou, nazmbaeklae Lungzciz baenz ndoi baenz doengh haeux henjrwgrwg.

Lungzswng: Seizcou Nazmbaeklae Yinx Hek Daeuj

龙胜：金秋梯田引客来

Seizcou, doengh nazmbaeklae Lungzciz laeng Lungzswng Gak Cuz Swciyen haeux baenz lo. Baez yawj bae, baenz doengh nazhaeux henjrwgrwg, mbaek dem mbaek, gig gyaunde, yinx le haujlai hekyouz daeuj neix youz.

Bi 2018, doengh nazmbaeklae Lungzciz baengh “nazmbaeklae

ndaemhaeux baihnanz Cungguek” aeundaej baj baiz “aen yizcanj vwnzva nungzyez youqgaenj daengx guek”. Seizneix, gij nazmbaeklae ndeiawj neix gaeng bienqbaenz baj “baiz gim” ndeu, dieg de aeu de bae guh lijyouz lajmbanj, coicaenh vunzlai doxcaez baenzmiz.

(Banh Cisiengz/潘志祥)